

Poitiers, 13. August 1550

Von Ludwig Carinus

Druck: Demosthenes, Basel 1555, I, S. 514-516; Demosthenis specimen, Basel 1569, S. 393f.; Demosthenes, Basel 1572, VI, S. 214.
Lit.: Brändly, Carinus S. 86.

LVDOVICVS CARINVS
Hieronymo Vuolfio S. D.

Abrahamo Hoechstettero, qui mihi tuas literas attulit, cùm ob eas causas quas tu commemoras, tum ob tuam commendationem, quae plurimùm momenti apud me habet, ut hominis mihi summo amore et ijsdem studijs coniunctissimi, nulla in re, in qua opera mea uti uulet, deero. De meo erga te animo uoluntate, scio te nil dubitare: uelim tamen mihi occasionem dari ipsa re, quanti te faciam, declarandi. facio autem plurimi, tum ob suauitatem facilitatemqüe ingenij, tum doctrinam singularem, quam tibi ardenti studio, summo multorum annorum sudore, iactura etiam ualetudinis perperisti. Quae, ut spero, tibi fortunam, in hoc annitentibus amicis tuis, inter quos me etiam numerari uolo, te dignam, et tuis studijs aptam, pariet. Qua in re bonam oeram tibi nauarem, nisi haec tempora iniqua, quae omnes doctos apud nos premunt, me impedirent. Quae si immutata fuerint, quod quidem fore spero, et Deus mihi redditum in Germaniam confecerit, nullam occasionem tui iuuandi praeterlabi sinam. Interim, mi Vuolfi, te spe melioris fortunae sustenta: quae quo tardior, eo splendidior ac lauitor (crede mihi) tibi continget: et ubi semel complexa fuerit, ac fouere coeperit, inter Crassos ac Senecas collocabit: hoc est, planè beatum faciet. Vterer hic exemplis doctissimorum hominum, quorum tu similis es, tui confirmandi causa: quos serò quidem, sed tamen respexi tandem, hera illa imperiosa: quae sola, ut iniquit ille, utramque paginam facit: nisi eorum fortunae imago, animo tuo impressa insideret. De Demosthene tuo mihi muneri misso, te multum amo: quem ita à te conuersum esse coniecto, ut eum minimè relicto pallio togae pudere arbitrer. Huic euoluendo, quicquid temporis ex meis occupationibus eripere potero, impendam. Vale, mi Vuolfi: et tibi persuade, nihil esse quod ne aequè libenter pro te ac pro me ipso omni tempore sim facturus. Ex Pictauio, Idibus Augusti. ANNO 1550.